

Polugodišnji bilten

januar - juni 2021. godine

**MINISTARSTVO SIGURNOSTI BOSNE I HERCEGOVINE
ODSJEK ZA BORBU PROTIV TRGOVINE LJUDIMA**

UNUTAR OVOG IZDANJA

STATISTIČKI PODACI O ŽRTVAMA TRGOVINE LJUDIMA ZA PERIOD OD JANUARA DO JUNA 2021. GODINE, IZVJEŠTAJ STATE DEPARTAMENTA O TRGOVINI LJUDIMA, VIRTUELNA POSJETA DELEGACIJE OSCE-a, DISKUSIJA O NACIONALNOJ, REGIONALNOJ I EVROPSKOJ SUDSKOJ PRAKSI, KOMUNICIRANJE RADI DRUŠTVENIH PROMJENA - ALATI ZA PROVOĐENJE KAMPANJA PODIZANJA SVIJESTI, MINIMALNI STANDARDI I KRITERIJI ZA ODABIR NEVLADINIH ORGANIZACIJA KOJE PRUŽAJU SMJEŠTAJ I POMOĆ ŽRTVAMA TRGOVINE LJUDIMA U BOSNI I HERCEGOVINI, IZRADA I MONITORING NACIONALNOG ODGOVORA NA TRGOVINU LJUDIMA - VODIČ ZA PRAKTIČARE, NAGRADA FONDACIJE "CHILD 10", RAZVOJ KAPACITETA ZA IDENTIFIKACIJU POTENCIJALNIH ŽRTAVA I ŽRTAVA TRGOVINE LJUDIMA, PROTOKOL ZA SUZBIJANJE PROSJAČENJA I DRUGIH OBLIKA EKSPLOATACIJE DJECE, OBILJEŽEN DAN SIGURNIJEG INTERNETA, EDUKACIJE ZA PRIMJENU I IMPLEMENTACIJU PROTOKOLA, SMJERNICE ZA POSTUPANJE NADLEŽNIH INSTITUCIJA I OVLAŠTENIH ORGANIZACIJA U SUZBIJANJU TRGOVINI LJUDIMA, ANALIZA KRIVIČNOG ZAKONODAVSTVA, PODRŠKA USPOSTAVI LOKALNIH KOORDINACIONIH TIMOVA I IZRADI LOKALNIH AKCIONIH PLANOVA, UKLJUČIVANJE PREDSTAVNIKA ROMSKOG NEVLADINOG SEKTORA, PROJEKAT „PRUŽANJE PSIHOSOCIJALNE I PRAVNE PODRŠKE DJECI I ŽENAMA ŽRTVAMA NASILJA, UKLJUČUJUĆI I ŽRTVE TRGOVINE LJUDIMA, TOKOM I NAKON COVID 19 PANDEMIJE“, „KAMPANJA PODIZANJA SVIJESTI O TRGOVINI DJECOM U BIH“, PROJEKAT PRUŽANJA DIREKTNE SAVJETODAVNE POMOĆI ŽRTVAMA EKSPLOATACIJE, AKTIVNOSTI UDRUŽENJA „MEDICA“ IZ ZENICE, NASTAVAK OBUKA: "VAŽNOST RANE IDENTIFIKACIJE (POTENCIJALNIH) ŽRTAVA DJEČIJEG PROSJAČENJA U PRAKTIČNOM RADU U KONTEKSTU TRGOVINE LJUDIMA U BIH", DRUGA INTERSEKTORSKA OBUKA NAMIJENJENA SUDIJAMA, TUŽIOCIIMA I ISTRAŽIOCIIMA, JAČANJE KAPACITETA ZA IDENTIFIKACIJU TRGOVINE LJUDIMA U MJEŠOVITIM MIGRACIONIM TOKOVIMA, PODRŠKA USPOSTAVI LOKALNIH KOORDINACIONIH TIMOVA I IZRADI LOKALNIH AKCIONIH PLANOVA, SEKTORSKI TRENINZI ZA PROFESIONALCE IZ SEKTORA OBRAZOVANJA, SAVJETOVANJE IZ KRIVIČNOPRAVNE OBLASTI U NEUMU, AKTIVNOSTI MEĐUNARODNOG FORUMA SOLIDARNOSTI - EMMAUS, STATISTIČKA WEB STRANICA O STRUČNJACIMA DRM-A, MINIMALNI STANDARDI ZA PODRŠKU ŽRTVAMA TRGOVINE LJUDIMA, POSEBNO DJECI U BIH, PRIRUČNIK ZA PRAVNIKE I PRAVNE ZASTUPNIKE ZA PRUŽANJE POMOĆI I ZASTUPANJE ŽRTAVA TRGOVINE LJUDIMA, KUMULATIVNI IZVJEŠTAJ O REZULTATIMA PROVEDENIH AKTIVNOSTI MAPIRANJA I MONITORINGA, PRUŽANJE PRAVNE POMOĆI I ZASTUPANJE ŽRTAVA TRGOVINE LJUDIMA U POSTUPCIMA PRED NADLEŽNIM ORGANIMA PRAVOSUĐA, SMJERNICE ZA PRUŽANJE MENTALNO ZDRAVSTVENE I PSIHOSOCIJALNE PODRŠKE ŽRTVAMA TRGOVINE LJUDIMA I OSOBAMA U RIZIKU U BIH, RADIONICA ZA IZGRADNJU KAPACITETA PROFESIONALACA PREDSTAVNIKA CENTARA ZA SOCIJALNI RAD, CENTARA ZA MENTALNO ZDRAVLJE, OVLAŠTENIH NEVLADINIH ORGANIZACIJA I VLADINIH INSTITUCIJA KOJI PRUŽAJU PSIHOSOCIJALNU I DRUGE VIDOVE POMOĆI I ZAŠTITE ŽRTVAMA TRGOVINE LJUDIMA I OSOBAMA U RIZIKU U BOSNI I HERCEGOVINI, KAMPANJA „ODGOVOR BALKANA NA TRGOVINU LJUDIMA“, PROJEKAT „PREVENCIJA TRGOVINE LJUDIMA KROZ PODIZANJE SVIJESTI I PRUŽANJE PSIHOSOCIJALNE PODRŠKE ŽRTVAMA TRGOVINE LJUDIMA I OSOBAMA U RIZIKU U BIH“, PROJEKAT "PREVENCIJA I BORBA PROTIV TRGOVINE LJUDIMA U BIH"

STATISTIČKI PODACI O ŽRTVAMA TRGOVINE LJUDIMA ZA PERIOD OD JANUARA DO JUNA 2021. GODINE

Od ukupnog broja potencijalnih žrtava trgovine ljudima (47) u periodu od januara do juna 2021. godine, 26 žrtava su ženskog pola, 21 žrtva je muškog pola.

Od ukupnog broja potencijalnih žrtava trgovine ljudima (47) u periodu od januara do juna 2021. godine 2 žrtve su punoljetne (obje ženskog pola), a 45 žrtava su maloljetne (24 žrtve su ženskog pola, a 21 žrtva muškog pola).

Od ukupnog broja potencijalnih žrtava trgovine ljudima (47) u periodu od januara do juna 2021. godine, evidentirani su sljedeći oblici eksploatacije: 45 prosjačenja, 1 seksualno i 1 drugi oblici iskorištavanja.

Od ukupnog broja potencijalnih žrtava trgovine ljudima (47) u periodu od januara do juna 2021. godine jedna žrtva je strani državljanin, a 46 žrtava su državljani Bosne i Hercegovine. Kada je u pitanju strani državljanin, žrtva je iz Antigve i Barbude, a u pitanju je ženska maloljetna žrtva (prosjačenje).

IZVJEŠTAJ STATE DEPARTAMENTA O TRGOVINI LJUDIMA

State Department je 1. jula objavio Izvještaj o trgovini ljudima.¹ Podsjećamo, State Department u Izvještaju o stanju trgovine ljudima, koji se objavljuje svake godine, rangira države u četiri grupe (grupa 1, grupa 2, grupa „watch list“ i grupa 3) u zavisnosti od njihove uspješnosti u borbi protiv trgovine ljudima.

U Izvještaju se navodi da se vlasti Bosne i Hercegovine ne pridržavaju u potpunosti minimalnih standarda za eliminiranje trgovine ljudima, ali ulažu značajna nastojanja u tom pravcu. Vlasti su pokazale općenito povećana nastojanja u poređenju sa prethodnim izvještajnim periodom, uzimajući u obzir eventualni utjecaj pandemije bolesti COVID-19 na njihov kapacitet borbe protiv trgovine ljudima; stoga je Bosna i Hercegovina unaprijeđena na nivo 2. Među tim nastojanjima su i jačanje Udarne grupe za borbu protiv trgovine ljudima kroz dodjelu sredstava za isplatu naknada za rad u Grupi i pokriće operativnih troškova, proširenje sastava Udarne grupe te stvaranje mreže tužilaca i istražitelja radi lakše koordinacije. Republika Srpska (RS) je izmjenama svog zakona povećala minimalnu kaznu za djelo trgovine djecom sa pet na 20 godina i proširila definiciju trgovine ljudima. Jedan sudija u Tuzlanskom kantonu je izrekao do sada najdužu zatvorsku kaznu za prisilno prosjačenje djece, a Državna agencija za istrage i zaštitu (SIPA) je uspostavila operativni tim u sva četiri regionalna ureda. Vlasti su općenito povećale napore na zaštiti žrtava

1 Izvještaj o stanju trgovine ljudima, State Department, 1 juli 2021. godine <https://www.state.gov/reports/2021-trafficking-in-persons-report/>

identificiranjem većeg broja žrtava, udruživanjem sredstava za pomoć domaćim i stranim žrtvama i dodjelom sredstava nevladinim organizacijama uključenim u borbu protiv trgovine ljudima te izradom smjernica za standardizaciju pomoći žrtvama, posebno djeci. Vlasti su uspostavile novu bazu podataka radi standardizacije prikupljanja podataka o žrtvama trgovine ljudima, uspostavile su 18 regionalnih monitoring timova za koordinaciju aktivnosti u borbi protiv trgovine ljudima i pomogle su angažiranje i obuku 25 romskih aktivista za učešće u regionalnim monitoring timovima. Međutim, vlasti nisu ispunile minimalne standarde u nekoliko ključnih oblasti. Na državnom nivou, u RS-u i Brčko distriktu (BD) nije osuđen nijedan trgovac ljudima, dok je u Federaciji Bosne i Hercegovine (Federacija) osuđeno manje trgovaca ljudima nego prethodne godine. Organi za provođenje zakona su nastavili redovno istraživati djela trgovine ljudima pod lakšim kvalifikacijama, dok su sudije u Federaciji i dalje izricale kazne niže od zakonom predviđenih minimalnih kazni. Organima za provođenje zakona nedostaju kapaciteti, resursi i tehničko znanje, što ometa njihovu sposobnost da provode djelotvorne istrage usmjerene na žrtvu i da počinitelje kazneno gone. Nadležni organi su opravdavali slučajeve potencijalnog prisilnog prosjačenja djece i prisilni rad u kojem su žrtve Romi kao tradicionalne kulturološke prakse i običaje Roma, i ponekad su vraćali djecu u njihove porodice čak i kada su roditelji bili uključeni u iskorištavanje svoje djece. Osim toga, vlasti nisu pokazale proaktivna nastojanja u pravcu identificiranja žrtava, zbog čega su često nadležne institucije vlasti žrtve kažnjavale za nezakonita djela na koja su ih trgovci ljudima prisiljavali i posebno izdavale prekršajne naloge.

VIRTUELNA POSJETA DELEGACIJE OSCE-a

Misija OSCE-a u BiH (Misija) omogućila je virtuelnu posjetu Valianta Richeya, OSCE-ovog specijalnog predstavnika i koordinatora za borbu protiv trgovine ljudima (SR/CTHB) i Margaret Cederfelt, potpredsjednice Parlamentarne skupštine OSCE-a. Svrha posjete bila je priprema posjete Bosni i Hercegovini u ljeto 2021. godine, proučavanje situacije migranata, izbjeglica i tražitelja azila u BiH. Delegacija se sastala sa državnim koordinatorom za borbu protiv trgovine ljudima, članovima Zajedničke komisije za ljudska prava Parlamentarne skupštine BiH, kao i sa predstavnicima međunarodnih organizacija i lokalnih nevladinih organizacija. Tokom posjete specijalni predstavnik je dao nekoliko preporuka usmjerenih na unapređenje borbe protiv trgovine ljudima. One se odnose na poboljšanje napora za identifikaciju žrtava trgovine ljudima; jačanje lokalnih mehanizama koordinacije i jačanje kapaciteta aktera krivičnog pravosuđa kako bi se osiguralo da trgovci ljudima budu kažnjeni efikasnim krivičnim sankcijama. Virtuelna posjeta završena je obukom za osoblje Misije o osnovama borbe protiv trgovine ljudima.

DISKUSIJA O NACIONALNOJ, REGIONALNOJ I EVROPSKOJ SUDSKOJ PRAKSI

Misija OSCE-a u BiH, u saradnji sa centrima za obuku sudija i tužilaca u Federaciji Bosne i Hercegovine i Republici Srpskoj je 31. maja 2021. godine organizovala online diskusiju o nedavnoj sudskoj praksi u vezi sa borbom protiv trgovine ljudima.

Uz podršku Misije, stručnjaci Evropskog suda za ljudska prava i predstavnici organizacija civilnog društva učestvovali su na ovom događaju, što je omogućilo učesnicima da unaprijede svoje znanje o relevantnoj sudskoj praksi sudova u BiH i Srbiji. Nadalje, učesnici su razgovarali o nedavnoj sudskoj praksi Evropskog suda za ljudska prava koja se odnosi na dužnost krivičnog gonjenja trgovine ljudima i načelu nekažnjavanja žrtava trgovine ljudima.

KOMUNICIRANJE RADI DRUŠTVENIH PROMJENA - ALATI ZA PROVOĐENJE KAMPANJA PODIZANJA SVIJESTI

Regionalni projekat GIZ-a pod nazivom *Prevenција i borba protiv trgovine ljudima na zapadnom Balkanu (PaCT)* predstavio je novu web platformu koja će vas voditi kroz proces kreiranja kampanja za podizanje svijesti o problemu trgovine ljudima. Platforma je postavljena na web stranici regionalnog partnera u implementaciji projekta, **MARRI** – Regionalna inicijativa za migracije, azil i izbjeglice <https://toolboxes.marri-rc.org.mk/>.

Platforma pruža uvid u način kreiranja i provođenja kampanja za podizanje svijesti, posebno na temu trgovine ljudima, ali se bez ograničenja može koristiti i za druge teme. Ovi korisni alati vode vas kroz sve faze konceptualizacije i provedbe kampanje, od prve ideje do realizacije i evaluacije rezultata i trebali bi služiti kao vodič za osmišljavanje, stvaranje i provedbu kampanja za podizanje svijesti. Pored jačanja kapaciteta partnerskih organizacija i institucija kroz relevantne treninge, konstantno se radi na praćenju procesa kreiranja kampanja, podučavanju i podršci partnerima tokom rada na izradi ali i implementaciji kampanja u praksi koje su pokrenute ove godine.

MINIMALNI STANDARDI I KRITERIJI ZA ODABIR NEVLADINIH ORGANIZACIJA KOJE PRUŽAJU SMJEŠTAJ I POMOĆ ŽRTVAMA TRGOVINE LJUDIMA U BOSNI I HERCEGOVINI

U okviru PaCT projekta, GIZ je pružio podršku u izradi dokumenta *Minimalni standardi i kriteriji za odabir nevladinih organizacija koje pružaju smještaj i pomoć žrtvama trgovine ljudima u Bosni i Hercegovini*. U procesu izrade dokumenta su pored predstavnika Odsjeka za borbu protiv trgovine ljudima Ministarstva sigurnosti BiH bili uključeni predstavnici nevladinih organizacija i drugih relevantnih institucija koje rade na polju sprečavanja trgovine ljudima. Dokument će dalje biti poslan u proceduru usvajanja.

IZRADA I MONITORING NACIONALNOG ODGOVORA NA TRGOVINU LJUDIMA – VODIČ ZA PRAKTIČARE

Međunarodni centar za razvoj migracionih politika (International Centre for Migration Policy Development – ICMPD) je uz podršku PaCT projekta izradio dokument „*Izrada i monitoring nacionalnog odgovora na trgovinu ljudima – vodič za praktičare*“. Riječ je o alatu koji daje smjernice šta je to nacionalni odgovor na borbu protiv trgovine ljudima, kako ga treba osmisлити ili revidirati i ko bi ga trebao primijeniti. U njemu su navedeni ključni koraci i pitanja koja treba uzeti u obzir pri uspostavljanju učinkovitih struktura i procedura za monitoring zasnovan na rezultatima, kao i kod revidiranja i evaluacije nacionalnih akcionih planova za borbu protiv trgovine ljudima. Vodič se može pronaći na linku: [Vodič za praktičare](#).

NAGRADA FONDACIJE “CHILD 10”



Udruženje “Novi put” iz Mostara dobitnik je prestižne međunarodne nagrade za 2021. godinu, koju za borbu protiv trgovine djecom i seksualnog iskorištavanja djece dodjeljuje Fondacija „Child10“ iz Kraljevine Švedske, kao i nagrade njenog veličanstva, švedske kraljice Silvije i njene fondacije “Briga o djeci”. Udruženje “Novi put” iz Mostara je jedna od samo deset nagrađenih organizacija, izabranih između preko 90 nominacija iz 27 zemalja širom svijeta.

Udruženje “Novi put” je jedina organizacija u Bosni i Hercegovini koja je dobila ovu nagradu i koja je pohvaljena za „svoje napore i doprinos s ciljem iskorjenjivanja svih oblika eksploatacije djece i djevojaka u Bosni i Hercegovini”. Zbog pandemije koronavirusa, ceremonija dodjele nagrada je održana 24. 02. 2021. godine u Švedskoj, uz prenos uživo putem interneta i društvenih mreža.²

² <https://child10.org/network/awardees-2021/>

RAZVOJ KAPACITETA ZA IDENTIFIKACIJU POTENCIJALNIH ŽRTAVA I ŽRTAVA TRGOVINE LJUDIMA

U periodu od februara do juna 2021. godine, u okviru PaCT projekta i tematskog paketa "Razvoj kapaciteta za identifikaciju potencijalnih žrtava i žrtava trgovine ljudima" održana su tri regionalna treninga. Cilj treninga je bio da se pruži podrška i informacije za adresiranje i identifikovanje najboljih praksi u pogledu identifikacije, zaštite i podrške žrtvama trgovine ljudima kao i sprečavanja trgovine ljudima. Treninzima je prisustvovalo 30 učesnika iz Bosne i Hercegovine, predstavnici Odsjeka za borbu protiv trgovine ljudima i članovi koordinacionih timova, predstavnici zdravstvenog i obrazovnog sektora te nevladinih organizacija koje rade na polju sprečavanja trgovine ljudima.

PROTOKOL ZA SUZBIJANJE PROSJAČENJA I DRUGIH OBLIKA EKSPLOATACIJE DJECE

Projektni partner World Vision BiH, Udruženje Zemlja djece u BiH, proces izrade Protokola za prevenciju i postupanje u slučajevima prosjačenja i drugih oblika eksploatacije djece nastavili su u šest (6) lokalnih zajednica: Tuzla, Doboj Istok, Gradačac, Gračanica, Kalesija i Banovići, i na nivou Tuzlanskog kantona, zatim u Bugojnu te u Goraždu, odnosno Bosansko-podrinjskom kantonu. Protokoli su u ovom periodu formalizirani i potpisani u 3 općine (Tuzla, Banovići, Gračanica) od strane pripadnika lokalnih/kantonálnih grupa za zaštitu djece koji dolaze iz centara za socijalni rad, policije, zdravstvenih ustanova, predškolskih ustanova i škola, gradske uprave, proromskih/romskih nevladinih organizacija. <https://grad.tuzla.ba/vijesti/potpisan-protokol-za-prevenciju-i-postupanje-u-slucajevima-prosjacenja-i-drugih-vidova-eksploatacije-djece-u-gradu-tuzli/>

OBIJELŽEN DAN SIGURNIJEG INTERNETA

Dan sigurnijeg interneta je međunarodni dan koji se na inicijativu Evropske komisije globalno obilježava već niz godina. U Bosni i Hercegovini se ovaj dan obilježava od 2011. godine na inicijativu Udruženja „Međunarodni forum solidarnosti – EMMAUS“ u organizaciji Centra za sigurni internet u BiH. Inicijativa je takođe podržana od strane Ministarstva sigurnosti BiH, Regulatorne agencija za komunikacije BiH, kao i BiH Konzorcija za zaštitu djece, koji uz MFS-EMMAUS čine organizacije UNICEF i Save the Children.

Vođen uspjehom od prethodnih godina, Centar za sigurni internet u BiH, obilježavanje Dana sigurnijeg interneta realizovao je kroz takmičenje za učenike osnovnih i srednjih škola na temu sigurnosti na internetu. Takmičenje se održalo 9. februara i sastojalo se od online kviza³ sa pitanjima vezanim za sigurno korištenje interneta i digitalnih tehnologija i bio je dostupan putem web platforme www.sigurnodijete.ba. Ove godine je veliki broj djece širom Bosne i Hercegovine učestvovao u kvizu i pokazao zavidno znanje o sigurnom i odgovornom korištenju interneta i digitalnih tehnologija. Najuspješnijim učesnicima su dodijeljene vrijedne nagrade.



3 Online kviz dostupan na www.sigurnodijete.ba

EDUKACIJE ZA PRIMJENU I IMPLEMENTACIJU PROTOKOLA

U cilju jačanja kapaciteta članova zaštitnih grupa u općinama u kojima je razvijen i usvojen lokalni protokol, projektni partner World Vision BiH, Udruženje Zemlja djece u BiH održao je četiri dvodnevne obuke na kojima je prisustvovalo ukupno 44 učesnika (26 ženskog spola i 18 muškog spola) iz šest (6) općina: Lukavac, Gračanica, Banovići, Kalesija, Tuzla (Tuzlanski kanton) i te iz Bosansko-podrinjskog kantona Goražde. Obuka je fokusirana na hodogramu postupanja svih potpisnika protokola u novouspostavljenom lokalnom mehanizmu za suzbijanje prosjačenja i drugih oblika eksploatacije djece te njihovoj međusobnoj koordinaciji i saradnji. Posebna pažnja je posvećena razumijevanju i primjeni minimalnih standarda u postupanju svih aktera u svim fazama zaštite i podrške djeci (potencijalnim) žrtvama eksploatacije, zasnovanih na najboljem interesu djeteta. Participativni proces učesnika obezbijeđen je kroz rad na konkretnim realnim slučajevima iz prakse, za sva četiri sektora (postupanje policije, obrazovnih ustanova, zdravstvene i socijalne službe).

Druga obuka, za iste članove i općine, održana je u cilju osposobljavanja članova lokalnih zaštitnih grupa za proaktivnu identifikaciju djece (potencijalnih) žrtava trgovine ljudima, s fokusom na prinudni rad i seksualnu eksploataciju, i izgradnju njihovih kapaciteta za procjenu i utvrđivanje najboljeg interesa djeteta u svim fazama njegove zaštite, primjenjujući pri tome minimalne standarde zaštite žrtava trgovine ljudima. Obuka je organizovana po kreiranom modulu - Vodiču za skrining i identifikaciju djece potencijalnih žrtava trgovine ljudima.



SMJERNICE ZA POSTUPANJE NADLEŽNIH INSTITUCIJA I OVLAŠTENIH ORGANIZACIJA U SUZBIJANJU TRGOVINI LJUDIMA

S ciljem unapređenja opštih mjera zaštite i pomoći žrtvama trgovine ljudima, uz angažman lokalnog konsultanta i u koordinaciji sa državnim koordinatorom, World Vision BiH je razvio *Smjernice za postupanje nadležnih institucija i ovlaštenih organizacija u suprotstavljanju trgovini ljudima* sa fokusom na postupke identifikacije, upućivanja i pružanja pomoći žrtvama trgovine ljudima i o međusobnoj saradnji nadležnih institucija i organizacija. Slijedom ovog procesa, u prvoj polovini 2021. godine održano je 6 dvodnevni obuka uz učešće 105 članova lokalnih koordinacionih timova sa područja Federacije BiH i Brčko Distrikta (55 ženskog spola i 50 muškog spola), s ciljem jačanja njihovih kapaciteta i saradnje u skladu sa Smjernicama sa fokusom na identifikaciju, asistenciju i zaštitu žrtava.



ANALIZA KRIVIČNOG ZAKONODAVSTVA

World Vision BiH je u aprilu 2021. godine održao tematsku diskusiju sa 20 predstavnika pravosudnih institucija svih nivoa vlasti BiH, s ciljem predstavljanja rezultata i preporuka na osnovu urađene analize u području definicija oblika eksploatacije u trgovini ljudima u krivičnim zakonima u Bosni i Hercegovini (Elementi bića krivičnog djela). Svrha diskusije je bila definisanje preporuka za usklađivanje materijalnog krivičnog zakonodavstva u četiri krivično-pravna sistema u Bosni i Hercegovini u odnosu na inkriminiranje trgovine ljudima i srodnih pojava. Nakon radionice, usaglašene su zagovaračke aktivnosti, čime bi se harmonizacijom krivičnog zakona garantovala pravna sigurnost i jednakost pred zakonom, a naročito adekvatno prepoznavanje, identifikacija i zbrinjavanje žrtava trgovine ljudima.

PODRŠKA USPOSTAVI LOKALNIH KOORDINACIONIH TIMOVA I IZRADI LOKALNIH AKCIONIH PLANOVA

Prateći proces formiranja lokalnih koordinacionih timova za borbu protiv trgovine ljudima na kantonalnom nivou, World Vision BiH je u proteklom periodu osigurao podršku u procesu izrade lokalnih akcionih planova za sprovođenje Strategije za borbu protiv trgovine ljudima BiH 2020 – 2023. za 8 novoformiranih timova (Bosansko-podrinjski kanton Goražde, Unsko-sanski kanton, Kanton 10, Posavski kanton, Srednjobosanski kanton, Zapadnohercegovački kanton, Zeničko-dobojski kanton i Tim Federacije BiH). Uz angažman eksternog konsultanta, kroz 8 održanih radionica i aktivno učešće članova timova, 3 tima i njihove vlade su usvojile akcione planove (Unsko-sanski kanton, Kanton 10 i Posavski kanton) dok su procesi za ostale timove finalizirani i u skorijem periodu se očekuje njihovo usvajanje od kantonalnih vlada.

UKLJUČIVANJE PREDSTAVNIKA ROMSKOG NEVLADINOG SEKTORA

S ciljem osiguravanja uključenosti i angažmana predstavnika romskog nevladinog sektora u proces odlučivanja po pitanju rješavanja problema u suprotstavljanju trgovini ljudima te aktivnim učešćem u romskim zajednicama i s ciljem podizanja svijesti o pitanjima trgovine ljudima i identifikacije potencijalnih žrtava, projektni partner World Vision BiH, Kali Sara-RIC, održala je edukaciju za 17 romskih predstavnika-medijatora (8 ženskog spola i 9 muškog spola) na temu *Razvoj zagovaračkih inicijativa*.

Osim ovoga, tokom prve polovine 2021. godine, Kali Sara-RIC je održala 4 radionice sa predstavnicima policije, centra za socijalni rad i drugih relevantnih institucija, s ciljem razmjene informacija o izazovima sa kojima se susreću kada je u pitanju trgovina ljudima sa posebnim fokusom na dječije prosjačenje i radnu eksploataciju. Održano je 8 sastanaka sa 159 članova romske zajednice, s ciljem podizanja svijesti o prepoznavanju potencijalnih žrtava, sa fokusom na prisilno prosjačenje i maloljetničke brakove. Za 20 članova lokalnog koordinacionog tima i predstavnike institucija Hercegovačko-neretvanskog kantona, održan je trening na temu Trgovina ljudima i socijalna pravda, s ciljem senzibilizacije i razbijanja predrasuda i stereotipa u suzbijanju i pružanju zaštite potencijalnim žrtvama trgovine ljudima.



PROJEKAT „PRUŽANJE PSIHOSOCIJALNE I PRAVNE PODRŠKE DJECI I ŽENAMA ŽRTVAMA NASILJA, UKLJUČUJUĆI I ŽRTVE TRGOVINE LJUDIMA, TOKOM I NAKON COVID 19 PANDEMIJE“

Pandemija uzrokovana virusom Covid 19 se nije samo negativno odrazila na zdravlje ljudi i ekonomsku situaciju u BiH, nego je i uzrokovala znatan porast slučajeva nasilja u porodici, porast broja žrtava trgovine ljudima, čije su žrtve najčešće žene, ali i djeca, koja su primarne ili sekundarne žrtve nasilja.

Osim toga, djeca od početka pandemije većinu vremena provode na internetu, usljed čega je znatno porastao broj slučajeva zlostavljanja djece na društvenim mrežama, te potencijalnog vrbovanja djece u lanac trgovine ljudima. Udruženje „Novi put“, uz podršku Ambasade Švicarskerealizuje projekat koji ima za cilj podizanje svijesti šire javnosti o prevladavajućim oblicima nasilja počinjenog nad ženama i djecom tokom pandemije te informisanje šire javnosti o mogućnosti dobijanja besplatnih psihosocijalnih i pravnih usluga u savjetovalištu Udruženja.

U okviru ovog projekta, Udruženje „Novi put“ putem linije za pomoć pruža potrebnu pomoć, stručni savjet ili daljnje upućivanje.

BESPLATNO SAVJETOVALIŠTE

Sve novonastale situacije i one pozitivne i negativne uzrokuju stresnu reakciju kod ljudi. Posebno je izražen stres ukoliko se radi o nečemu nepoznatnom i neizvjesnom.

Zbog pandemije bolesti COVID-19, mjera fizičke izolacije, gubitka posla i straha od neizvjesnosti povećano je nasilje u porodici.





Zbog izolacije i mjera zaštite djeca provode puno više vremena na internetu i društvenim mrežama, što dovodi do opasnosti od nasilja putem interneta.

Ukoliko vam je potreban stručni savjet ili podrška obratite se našim besplatnim savjetodavcima na broj:

060 31 55 663

„KAMPANJA PODIZANJA SVIJESTI O TRGOVINI DJECOM U BIH“

Ovaj projekat je podržan od strane zajedničkog programa Evropske unije i Vijeća Evrope „Horizontal Facility za Zapadni Balkan i Tursku 2019-2022“ i projekta „Prevenција i borba protiv trgovine ljudima u Bosni i Hercegovini“. Cilj kampanje je podizanje javne svijesti o rizicima i svim pojavnim oblicima trgovine djecom među djecom i mladima, njihovim porodicama, starateljima, domovima za djecu bez roditeljskog staranja, nadležnim institucijama, kao i sprječavanje i umanjenje rizika od postajanja žrtvom trgovine djecom u BiH, kroz umrežavanje nevladinog i vladinog sektora i povećanje informisanosti opšte javnosti. Kampanja se provodila tokom 2021. godine u ciljanim regijama povećanog rizika za trgovinu djecom na širem području BiH, kroz javne događaje te putem društvenih mreža. U okviru kampanje održane su ulične akcije u gradovima širom BiH, javne tribine, snimljen je promotivni video „STOP TRGOVINI DJECOM“, kao i centralna konferencija pod nazivom „Trgovina djecom u BiH“.



PROJEKAT PRUŽANJA DIREKTNE SAVJETODAVNE POMOĆI ŽRTVAMA EKSPOLATACIJE

Od januara 2021. godine, Udruženje „Novi put“ kontinuirano pruža direktnu psihosocijalnu i pravnu pomoć žrtvama modernog oblika ropstva. Ova aktivnost se provodi uz podršku Visokog komesarijata Ujedinjenih nacija za ljudska prava i ima za cilj osnaživanje žrtava svih vidova eksploatacije. U okviru ovog projekta se također radi na podizanju svijesti o svim vidovima modernog ropstva među ranjivim kategorijama.

AKTIVNOSTI UDRUŽENJA „MEDICA“ IZ ZENICE

Udruženje „Medica“ iz Zenice, kao specijalizirana ženska nevladina organizacija, u okviru svojih raspoloživih resursa i servisa, pruža kontinuiranu sveobuhvatnu podršku, zaštitu i pomoć žrtvama i potencijalnim žrtvama trgovine ljudima te radi na prevenciji i podizanju svijesti o fenomenu trgovine ljudima. Tokom izvještajnog perioda „Medica“ Zenica je zbrinula ukupno 26 potencijalnih žrtava trgovine ljudima od kojih je 25 djece. Njih 25 su smješteni kao žrtve prisilnog prosjačenja, dok je jedna djevojčica smještena zbog prisilne udaje. Kao i ranijih godina, „Medica“ Zenica je klijenticama i klijentima pružila kompletnu logističku, medicinsku i psihološku podršku tokom boravka u Sigurnoj kući, kao i odgojno – obrazovni rad te obezbijedila uslove da djeca koja pohađaju školu, istu nastavu kroz online nastavu iz Sigurne kuće. Rad i iskustva u oblasti prevencije i suzbijanja trgovine ljudima pokazali su da sveobuhvatni multidisciplinarni pristup i međusektorska saradnja donose dobre rezultate i promjene te je od ove godine na nivou Zeničko-dobojskog kantona imenovano i uspostavljeno Koordinaciono tijelo za borbu protiv trgovine ljudima, u kojem i „Medica“ Zenica ima aktivnu ulogu.

NASTAVAK OBUKA: “VAŽNOST RANE IDENTIFIKACIJE (POTENCIJALNIH) ŽRTAVA DJEČIJEG PROSJAČENJA U PRAKTIČNOM RADU U KONTEKSTU TRGOVINE LJUDIMA U BIH”



IOM Bosnia and Herzegovina je od 18. do 22. januara 2021. godine organizirao tri seta edukacija sa predstavnicima policije, centara za socijalni rad i organizacija civilnog društva koji se bave zaštitom i promocijom prava građana romske nacionalnosti, sa područja cijele Bosne i Hercegovine, uključenih u proces zaštite djece od prosjačenja i rada na ulici. Na edukacijama su prezentovani primjeri dobre prakse i zajedničkog terenskog rada institucija i organizacija iz Tuzlanskog kantona na zaštiti žrtava i procesuiranju počinioca ovog krivičnog djela, te prevazilaženju predrasuda i stereotipa prema najranjivijim kategorijama stanovništva. Na ovaj način su kolege iz svih dijelova BiH imali priliku steći više znanja o ovoj temi kroz praktične primjere te razmijeniti iskustva u radu.


DRUGA INTERSEKTORSKA OBUKA NAMIJENJENA SUDIJAMA, TUŽIOCIMA I ISTRAŽIOCIMA



U saradnji sa Centrom za edukaciju sudija i javnih tužilaca (CEST RS) i Centrom za edukaciju sudija i tužilaca (CEST FBiH), IOM je 2. i 3. februara 2021. godine u Banjaluci organizovao drugu po redu obuku „Trgovina ljudima - Izazovi u otkrivanju i procesuiranju složenih krivičnih djela protiv ljudskog dostojanstva” usmjerenu na jačanje kapaciteta nosioca pravosudnih funkcija i predstavnika agencija za sprovođenje zakona u oblasti borbe protiv trgovine ljudima. Tokom dvodnevne obuke, praktičari su razgovarali o odlukama i praksi Suda BiH i sudova F BiH i RS u slučajevima trgovine ljudima. borbu protiv trgovine ljudima i ilegalne migracije Samir Rizvo.

Posebna pažnja posvećena je slučajevima seksualnog iskorištavanja i prisilnih brakova, prosjačenja djece i trgovine ljudima u mješovitim migracijskim tokovima. Učesnicima obuke obratili su se nova šefica Misije IOM-a u BiH Laura Lungarotti, glavna tužiteljica Tužilaštva BiH Gordana Tadić, INL program koordinatorica Lejla Begtašević Rudalija, direktor CEST RS-a Tomislav Čavić, i državni koordinator za

JAČANJE KAPACITETA ZA IDENTIFIKACIJU TRGOVINE LJUDIMA U MJEŠOVITIM MIGRACIONIM TOKOVIMA



IOM je i u 2021. godini nastavio provoditi aktivnosti na unapređenju postupaka identifikacije žrtava trgovine ljudima u mješovitim migracionim tokovima. Konkretno, 29. i 30. marta 2021. godine, u saradnji sa Službom za poslove sa strancima BiH (SPS BiH) i Odsjekom za borbu protiv trgovine ljudima u BiH, organizovana je radionica usmjerena na jačanje kapaciteta uposlenika i pružaoca usluga u privremenim prihvatnim centrima u BiH da blagovremeno identifikuju i upute potencijalne slučajeve trgovine ljudima, u skladu sa nacionalnim referalnim mehanizmom i relevantnim međunarodnim standardima. Radionica je okupila predstavnike Službe za poslove sa strancima i IOM-a koji upravljaju privremenim prihvatnim centrima u BiH, kao i predstavnike nadležnih organa u oblasti sprečavanja trgovine ljudima,

uključujući predstavnike lokalnih koordinacionih timova za borbu protiv trgovine ljudima, kao i međunarodne i nevladine organizacije koje su kao pružaoci usluga prisutne u privremenim prihvatnim centrima u BiH. Cilj radionice bila je analiza postojećih kapaciteta za identifikaciju i praksi upućivanja potencijalnih žrtava trgovine ljudima, kao i zaštitno osjetljivih usluga dostupnih migrantima u privremenim prihvatnim centrima. U konačnici radionica je rezultirala preporukama za poboljšanje identifikacije i mehanizma upućivanja potencijalnih žrtava trgovine ljudima u privremenim prihvatnim centrima i poslužit će kao osnova za pripremu budućih obuka kako bi se ojačali kapaciteti za proaktivno otkrivanje indikatora trgovine ljudima i pravilno upućivanje potencijalnih žrtava trgovine ljudima uposlenih u privremenim prihvatnim centrima.

PODRŠKA USPOSTAVI LOKALNIH KOORDINACIONIH TIMOVA I IZRADI LOKALNIH AKCIONIH PLANOVA

Izrada lokalnih akcionih planova je prvi zadatak novoformiranih lokalnih koordinacionih timova u skladu sa Strategijom za borbu protiv trgovine ljudima BiH 2020 – 2023. IOM je u prvoj polovini 2021. godine nastavio pružati tehničku i ekspertnu podršku lokalnim koordinacionim timovima koji su prvi izradili nacрте svojih lokalnih akcionih planova. Sva četiri lokalna koordinacijska tima (Kantona Sarajevo, Hercegovačko-neretvanskog kantona, Tuzlanskog kantona i Brčko Distrikta) kojima je IOM pružio tehničku i stručnu podršku su finalizirala svoje lokalne akcione planove i oni su usvojeni od strane nadležnih organa vlasti.

SEKTORSKI TRENINZI ZA PROFESIONALCE IZ SEKTORA OBRAZOVANJA




IOM je u 2021. godini organizovao dvije obuke na temu: "Trgovina ljudima kao savremeni sigurnosni izazov iz ugla obrazovnog sektora u Bosni i Hercegovini" za profesionalce iz sektora obrazovanja.

Prva obuka organizovana je 19. i 20. aprila za predstavnike ministarstava obrazovanja i pedagoških zavoda, sa ciljem jačanja strateškog okvira za adekvatan odgovor na trgovinu djecom u Bosni i Hercegovini.

Druga obuka organizovana je 29. i 30. juna 2021. godine u Neumu za učitelje, nastavnike i stručne radnike iz osnovnih i srednjih škola

u BiH. Odgojno-obrazovnim radnicima su kroz teoretska predavanja i praktične vježbe predstavljeni osnovni elementi trgovine ljudima, indikatori prepoznavanja potencijalnih žrtava trgovine ljudima i hodogram postupanja u zaštiti žrtava, a sve sa ciljem jačanja kapaciteta učesnika za proaktivnu identifikaciju (potencijalnih) žrtava trgovine ljudima, ali i za postupanje i pružanje potrebne pomoći djeci žrtvama trgovine ljudima u skladu sa nacionalnim referalnim mehanizmom.

SAVJETOVANJE IZ KRIVIČNOPRAVNE OBLASTI U NEUMU



IOM je podržao panel na temu borbe protiv trgovine ljudima u okviru ovogodišnjeg, XIX Savjetovanja iz krivičnogpravnog oblasti u Neumu pod nazivom "Trgovina ljudima - Izazovi u otkrivanju i procesuiranju krivičnog djela trgovine ljudima u kontekstu mješovitih migracijskih tokova". S obzirom na to da je cilj ovogodišnjeg savjetovanja bio da detektuje probleme i ponudi odgovore na aktualna pitanja krivičnog pravosuđa u Bosni i Hercegovini, eminentni panelisti: Gordana Tadić, glavna tužiteljica Tužilaštva Bosne i Hercegovine i šef Udarne grupe za borbu protiv

trgovine ljudima, Samir Rizvo, državni koordinator za borbu protiv trgovine ljudima, Radmila Dragičević Dičić, sudija Vrhovnog kasacionog suda Republike Srbije, Hilmo Vučinić, sudija Suda Bosne i Hercegovine i Sena Uzunović, tužiteljica Tužilaštva Bosne i Hercegovine su sa učesnicima savjetovanja podjelili svoja


relevantna iskustva u ovoj veoma kompleksnoj oblasti. Na panelu je posebno bilo govora o trenutnom stanju u oblasti trgovine ljudima u BiH kao i o aktuelnoj reformi nacionalnog referalnog mehanizma. Učesnicima savjetovanja predstavljena je praksa Suda BiH u procesuiranju krivičnih djela trgovine ljudima kao i izazovi u krivično-pravnom gonjenju trgovine ljudima sa kojima se susreću kolege iz susjedne Republike Srbije. Konačno, u fokusu su bili i istražni aspekti borbe protiv trgovine ljudima u okviru mješovitih migracijskih tokova sa posebnim osvrtom na položaj žrtve/svjedoka u krivičnim procesima.

AKTIVNOSTI MEĐUNARODNOG FORUMA SOLIDARNOSTI - EMMAUS

MFS - EMMAUS suzbijanje trgovine ljudima provodi kroz projekte *Pristup prevenciji trgovine ljudima u Bosni i Hercegovini fokusiran na žrtvu; poboljšanje identifikacije, zaštite i pristupa pravdi* – VICAPT (USAID), *BAN III - Odgovor Balkana na trgovinu ljudima*, (EU IPA), *Prevencija trgovine ljudima kroz podizanje svijesti i pružanje psihosocijalne podrške žrtvama trgovine ljudima i osobama u riziku u BiH* (GIZ) i *Prevencija i borba protiv trgovine ljudima u BiH* (EU i VE). U prvih šest mjeseci 2021. godine, za 29 žrtava trgovine ljudima obezbijedili su smještaj u sigurnoj kući, zdravstvenu zaštitu, psihosocijalnu podršku, pristup pravnoj pomoći i podršku u reintegraciji uz podršku donatorskih sredstava te grantova Ministarstva sigurnosti i Ministarstva za ljudska prava i izbjeglice Bosne i Hercegovine.

STATISTIČKA WEB STRANICA O STRUČNJACIMA DRM-A

U izvještajnom periodu izrađena je statistička web stranica o stručnjacima DRM-a (državnog referalnog mehanizma), koja je predata na upravljanje Odsjeku za borbu protiv trgovine ljudima Ministarstva sigurnosti BiH. Stranica je predstavljena svim koordinatorima lokalnih koordinacionih timova za borbu protiv trgovine ljudima te međunarodnim organizacijama koje kroz ciljane obuke rade na kapacitiranju DRM-a BiH. Statistička web stranica sadrži podatke o preko 600 obuka i preko 400 profesionalaca sa specifičnim znanjima o borbi protiv trgovine ljudima. Analizom podataka moguće je pratiti kapacitiranost svih komponenti državnog referalnog mehanizma te precizno planirati naredne obuke za profesionalce koji su uključeni u borbu protiv trgovine ljudima, od identifikacije do aktivnosti reintegracije.



MINIMALNI STANDARDI ZA PODRŠKU ŽRTVAMA TRGOVINE LJUDIMA, POSEBNO DJECI U BIH

Minimalni standardi za podršku žrtvama trgovine ljudima, posebno djeci u BiH, izrađeni su u skladu sa Akcionim planom za provedbu Strategije za suzbijanje trgovine ljudima u aprilu 2021. godine i prosljeđeni su u Ministarstvo za ljudska prava i izbjeglice BiH, koje je provelo e- konsultacije prije podnošenja na usvajanje pred Vijeće ministara BiH. Kroz 4 radionice, organizovane u maju 2021. godine, sadržaj Minimalnih standarda je predstavljen pred ukupno 65 profesionalaca iz oblasti psihosocijalne zaštite i organizacija civilnog društva aktivnih u prevenciji trgovine ljudima ali i direktnoj asistenciji žrtvama trgovine.



PRIRUČNIK ZA PRAVNIKE I PRAVNE ZASTUPNIKE ZA PRUŽANJE POMOĆI I ZASTUPANJE ŽRTAVA TRGOVINE LJUDIMA

Priručnik za pravnike i pravne zastupnike za pružanje pomoći i zastupanje žrtava trgovine ljudima uvršten je u fondus Nacionalne i univerzitetske biblioteke Bosne i Hercegovine, a od jula 2021. godine počinje distribucija u Centre za edukaciju sudija i tužilaca u FBiH i RS te drugim relevantnim akterima koji se bave pružanjem pravne pomoći za žrtve trgovine ljudima.



KUMULATIVNI IZVJEŠTAJ O REZULTATIMA PROVEDENIH AKTIVNOSTI MAPIRANJA I MONITORINGA

Kumulativni izvještaj o rezultatima provedenih aktivnosti mapiranja i monitoringa u okviru projekta „Pristup prevenciji trgovine ljudima u Bosni i Hercegovini fokusiran na žrtvu: poboljšanje identifikacije, zaštite i pristupa pravdi –VICAPT“ sadrži rezultate istraživanja i izvještaje:

- Postupanja institucija i profesionalaca u okviru državnog referalnog mehanizma i primjene antitrafiking politike u tretiranju žrtava trgovine ljudima
- Položaj žrtava trgovine ljudima u sudskom postupku i primjeni politika i tretiranju žrtava trgovine ljudima kroz državni referalni mehanizam
- Praćenja suđenja po optužnicama za krivično djelo trgovina ljudima i srodna krivična djela.



U navedenom periodu praćeno je suđenje u ukupno 17 predmeta za krivično djelo trgovine ljudima i srodna krivična djela. Ukupan broj optuženih je bio (najmanje) 45, a ukupan broj žrtava (najmanje) 34. Praćeno je ukupno 98 ročišta.

PRUŽANJE PRAVNE POMOĆI I ZASTUPANJE ŽRTAVA TRGOVINE LJUDIMA U POSTUPCIMA PRED NADLEŽNIM ORGANIMA PRAVOSUĐA

U četiri potvrđena slučaja trgovine ljudima gdje je krivični postupak u toku, Međunarodni forum solidarnosti - EMMAUS je, u saradnji sa pravicama Centra za ženska prava iz Zenice, sačinio imovinsko-pravni zahtjev za obeštećenje žrtava trgovine ljudima. Rezultati ove prakse, sa analizom potrebne saradnje i podrške te preporukama za dalje postupanje u jačanju pristupa pravdi za žrtve trgovine ljudima, je uobličen u publikaciju „Pružanje pravne pomoći i zastupanje žrtava trgovine ljudima u postupcima pred nadležnim organima pravosuđa“ u okviru projekta „Pristup trgovini ljudima u Bosni i Hercegovini fokusiran na žrtvu, poboljšanje identifikacije, zaštite i pristupa pravdi“.



MONITORING I EVALUACIJA POLITIKA SUPROSTAVLJANJA FENOMENU TRGOVINE LJUDIMA U BOSNI I HERCEGOVINI

U okviru regionalnog programa *BAN III - Odgovor Balkana na trgovinu ljudima*, multidisciplinarna radna grupa eksperata, sastavljena od predstavnika tijela za sprovedbu zakona, inspektorata rada, organa starateljstva i organizacija civilnog društva, je na trodnevnom radnom sastanku od 7. do 9. aprila 2021. godine sačinila drugi izvještaj *Monitoring i evaluacija politika suprostavljanja fenomenu trgovine ljudima u Bosni i Hercegovini (januar - decembar 2019.)* Ovim izvještajem, na temelju dva završena slučaja iz prakse, obuhvaćena je analiza pravnog okvira za kriminalizaciju trgovine ljudima u BiH, obrađen proces identifikacije žrtava trgovine ljudima, zaštita žrtava trgovine ljudima, pomoć i podrška žrtvama trgovine ljudima, kompenzacija i naknada štete, institucionalni okvir, koordinacija i međunarodna saradnja te zaštita podataka.



SMJERNICE ZA PRUŽANJE MENTALNO ZDRAVSTVENE I PSIHOSOCIJALNE PODRŠKE ŽRTVAMA TRGOVINE LJUDIMA I OSOBAMA U RIZIKU U BIH

MFS-EMMAUS je u sklopu projekta: „Prevenција trgovine ljudima kroz podizanje svijesti i pružanje psihosocijalne podrške žrtvama trgovine ljudima i osobama u riziku u Bosni i Hercegovini”, koji podržava GIZ, razvio Smjernice za pružanje mentalno zdravstvene i psihosocijalne podrške žrtvama trgovine ljudima i osobama u riziku u BiH. Online publikacija je dostupna na linku:

<https://www.sigurnodijete.ba/awareness-centar-resursi-dokumenti/>. Smjernice su kreirane poštujući multidisciplinarni i multisektorski pristup u radu sa žrtvama, sa fokusom na mentalno zdravlje i psihološku pomoć i podršku. Smjernice jasno upućuju i na poštovanje različitih prava žrtava trgovine ljudima, od kojih je u posebnom Poglavlju IV: Odgovorno izvještavanje o slučajevima trgovine ljudima obrađeno načelo poštivanja dostojanstva i privatnosti žrtve trgovine ljudima. Naime, strah od publiciteta i negativnih reakcija iz okruženja ostavljaju teške posljedice po mentalno zdravlje žrtava trgovine ljudima.



RADIONICA ZA IZGRADNJU KAPACITETA PROFESIONALACA PREDSTAVNIKA CENTARA ZA SOCIJALNI RAD, CENTARA ZA MENTALNO ZDRAVLJE, OVLAŠTENIH NEVLADINIH ORGANIZACIJA I VLADINIH INSTITUCIJA KOJI PRUŽAJU PSIHOSOCIJALNU I DRUGE VIDOVE POMOĆI I ZAŠTITE ŽRTVAMA TRGOVINE LJUDIMA I OSOBAMA U RIZIKU U BOSNI I HERCEGOVINI

U okviru projekta „Prevenција trgovine ljudima kroz podizanje svijesti i pružanje psihosocijalne podrške žrtvama trgovine ljudima i osobama u riziku u Bosni i Hercegovini“ koji podržava GIZ, MFS-EMMAUS je održao radionicu za izgradnju kapaciteta profesionalaca predstavnika centara za socijalni rad, centara za mentalno zdravlje, ovlaštenih nevladinih organizacija i vladinih institucija koji pružaju psihosocijalnu i druge vidove pomoći i zaštite žrtvama trgovine ljudima i osobama u riziku u Bosni i Hercegovini.

eđu centara za mentalno zdravlje i drugih institucija i službi.

Borba protiv trgovine ljudima zahtijeva partnerstvo vladinih i nevladinih institucija i organizacija te je vrlo važno unaprijediti tu saradnju kako bi se osigurao multidisciplinarni pristup u radu sa žrtvama trgovine ljudima. Fokus radionice je stavljen na predstavljanje Smjernica za pružanje mentalno-zdravstvene i psihosocijalne podrške žrtvama trgovine ljudima i osobama u riziku u BiH i praktičnu podršku i uputstva svim profesionalcima koji dolaze u kontakt sa žrtvama, kako onima koji rade na procesu njihove identifikacije, tako i onima koji rade na procesu njihovog zbrinjavanja, zaštite i pomoći.

Treneri su ukazali na važnost psihosocijalne podrške kod zaštite mentalnog zdravlja žrtava trgovine ljudima i saradnje između centara za mentalno zdravlje i drugih institucija i službi.



KAMPANJA „ODGOVOR BALKANA NA TRGOVINU LJUDIMA“

U okviru programa BAN III - „Odgovor Balkana na trgovinu ljudima“, Međunarodni forum solidarnosti - EMMAUS proveo je kampanju prevencije trgovine ljudima i podizanja svijesti namjenjenu populaciji mladih od 16 godina pa na više, kojom su putem društvenih medija, Facebook stranice EURC (<https://www.facebook.com/EuropeanRC/>) i Instagram profila (https://www.instagram.com/european_resource_center/?hl=hr) mlade i odrasle upoznali sa problemom trgovine ljudima u BiH i u svijetu, obezbijedili informacije korisne u prevenciji te informacije o raspoloživoj pomoći i pravima žrtava u BiH.



PROJEKAT „PREVENCIJA TRGOVINE LJUDIMA KROZ PODIZANJE SVIJEŠTI I PRUŽANJE PSIHOSOCIJALNE PODRŠKE ŹRTVAMA TRGOVINE LJUDIMA I OSOBAMA U RIZIKU U BIH“

Uz podršku GIZ-a, MFS-EMMAUS je u okviru projekta „Prevenција trgovine ljudima kroz podizanje svijesti i pružanje psihosocijalne podrške Źrtvama trgovine ljudima i osobama u riziku u BiH“ implementirao kampanju za podizanje svijesti opšte populacije u BiH o fenomenu trgovine ljudima, vrstama eksploatacije rizicima i zaštiti od trgovine ljudima. U sklopu kampanje, MFS-EMMAUS je razvio dvije radio poruke (radio jingle), poster o prosjačenju kao obliku eksploatacije, Google Ads kampanju u okviru koje je razvijeno šest videa (bumper), informativni letak te 31 vizualna poruka, koji su objavljeni na Facebook stranici EURC (<https://www.facebook.com/EuropeanRC/>) i Instagram profilu (https://www.instagram.com/european_resource_center/?hl=hr). Kroz sve razvijene materijale komunicira se sa bh. društvom, promovišući dostupne mehanizme i alate za prijavljivanje trgovine ljudima, uključujući



online liniju za prijavu <https://www.sigurnodijete.ba/hotline/hotline-prijava/> i besplatnu telefonsku savjetodavnu liniju 0800 223 23, a cilj je da se kroz informacije motivišu djeca, mladi i svi ostali građani BiH da prijave trgovinu ljudima kojoj su bili izloženi ili su joj svjedočili u neposrednom okruženju te da se na ovaj način ohrabre svi građani našeg društva da se uključe u prevenciju i suzbijanje trgovine ljudima u BiH.

PROJEKAT "PREVENCIJA I BORBA PROTIV TRGOVINE LJUDIMA U BIH"

Uz podršku Evropske unije i Vijeća Evrope, u okviru projekta "Prevenција i borba protiv trgovine ljudima u BiH", MFS-EMMAUS provodi kampanju za podizanje svijesti o trgovini djecom u Bosni i Hercegovini, koja za cilj ima podizanje svijesti o problemu trgovine ljudima i mehanizmima zaštite usmjerenih prema različitim ciljnim grupama, posebno djeci u riziku da postanu Źrtve trgovine ljudima. Također, jedan od ciljeva je i podizanje svijesti zdravstvenih radnika i šire javnosti o različitim oblicima eksploatacije, načinima identifikacije, zaštite i prevencije. U sklopu kampanje MFS-EMMAUS je razvio radio poruke (jingle) i video spot o oblicima eksploatacije djecom, YouTube videa (bumpers), letak i poster za zdravstvene radnike te vizualne poruke, koji su objavljeni na Facebook stranici EURC (<https://www.facebook.com/EuropeanRC/>) i Instagram profilu (https://www.instagram.com/european_resource_center/?hl=hr).



DRŽAVNI KOORDINATOR ZA BORBU PROTIV TRGOVINE LJUDIMA I ILEGALNE MIGRACIJE U BIH

Ministarstvo sigurnosti BiH
Trg BiH
71000 Sarajevo
Bosna i Hercegovina

Tel.: +387 33 492 455
+387 33 492 452
+387 33 492 420
+387 33 710 530
Fax: +387 33 710 531
e-mail@ureddk@msb.gov.ba

osce Organization for Security and
Co-operation in Europe
Mission to Bosnia and Herzegovina

Misija OSCE-a u BiH je podržala izradu ovog materijala.
Svako gledište, izjava ili mišljenje, izraženo u ovoj publikaciji, a za koje nije izričito naznačeno da potiče iz Misije OSCE-a u BiH,
ne odražava nužno zvaničnu politiku Misije OSCE-a u BiH.